

**Меңгеруші жанындағы кеңестің
№6 хаттамасы**

15.08.2024ж

Қатысқаны – 7

Күн тәртібінде:

1. Өткен кеңестің шешімдерінің орындалуы.
2. Мамыр мерекелерін талқылау.
3. Жаңа оқу жылына дайындық.
4. Кіріс құжаттарын талқылау.
5. №1 педкеңеске дайындық.

Бірінші мәселе бойынша балабақша меңгерушісі сөз алды. Ол кісі өз сөзінде өткен кеңестің шешімдеріне тоқталып өтті. Балабақша қызметкерлері белсенділік танытып, жақсы дайындалған. Соның нәтижесінде мерекелік іс-шаралар өте жақсы өтті. Балалар да өз өнерлерін ойдағыдай көрсете білді. Ертеңгіліктерде қауіпсіздік ережелері дұрыс сақталды. Педагогтарға әр түрлі тақырыптарда өз білімдерін жетілдіру жоспары берілген. Сол берілген жоспарларды орындай отырып, нәтиже шығаруда.

Екінші мәселе бойынша балабақша әдіскері сөз алды. Ол кісі өз сөзінде мамыр мерекелері туралы айтып өтті. Мамыр мерекелерін талқылайтын болсақ 9 мамыр Жеңіс күні, 1 мамыр бірлік күніне орай балабақшамызда ертеңгілік шарасы өткізілді. Ертеңгілікті Ашық есік күнімен бірге атап өттік. Ашық есік күнінің тақырыбы «Әрқашан күн сөнбесін». Мақсаты: балалардың бойында адамгершілік қасиеттерді, жақын адамдарына сүйіспеншілікті, оларға қамқорлық жасауға ынтасын, өз еліне құштарлық сезімді, оның тарихына қызығушылықты тәрбиелеуді қарастыру. Ашық есік күніне ата-аналар көптеп қатысты. Ата-аналарды тіркей отырып, қол өнер көрмесі көрсетілді. Одан соң балабақша меңгерушісі ашық есік күнінің ашылуын жүргізді. Тәрбиешілер Джурунбаева.Ж «Қатынас», сөйлеуді дамыту, «Таным», сенсорика «Ғажайып гүлдер» тақырыбында ортаңғы «Балауса» тобына ұйымдастырылған ашық оқу қызметін өтсе. Ж.Жұмашева «Қатынас», көркем әдебиет, «Таным» математика негіздері «Маша мен аю» тақырыбында ұйымдастырылған ашық оқу қызметін өтті. Ашық оқу қызметтері өте жақсы өтті. Тәрбиеші көздеген мақсатына жете алды. Ашық оқу қызметінің жоспары өте жақсы құрылған. Балалар тапсырмалардың бәрін орындап, ойынға белсене қатыса білді. Әдіскер Койланова.Р «Менің мінезім» тақырыбында әдістеме жүргізді. Ата-аналар әдістеме барысында қойылған сұрақтарға ұтымды жауап беріп, белсенділік танытты. Ашық есік соңында «Ұлы жеңіс – жасасын!» тақырыбында мерекелік ертеңгілік өткізілді. Ертеңгілікте балалар

солдаттық форма киіп биледі. Әндерін айтты. Сахна тақырыпқа сай безендірілген. Ата-аналары балаларының өнерлерін көріп қатты қуанды. Ашық есік күнін қорытындылау барысында ата-аналар өз ойларын айта отырып ризашылықтарын білдірді.

Үшінші мәселе бойынша меңгерушісі сөз алды. Барлық топтар жаңа оқу жылына 100%-ға дайын болуын, барлық оқу қызметінің күнтізбелік жоспары, технологиялық карталары, циклограмма, әдістемелік құралдары және оқу қызметіне қажетті құрал жабдықтар, кезекшілік бұрыштары, төсек, сүлгі, шкаф, т.б. маркировкалары сақадай сай болуын қадап айтты. Ата-аналарға арналған стендтерді ретке келтіру, балалардың бейімделу кезеңінде ата-аналармен дұрыс қарым-қатынас жасауды айтып өтті.

Төртінші мәселе бойынша әдіскер сөз алды. Жазғы мезгілде балалардың денсаулығын нығайтуға ерекше көңіл бөлінді. Жаз айларына арналған іс-шаралар жоспары түзіліп, балабақша қызметкерлері сол жоспар бойынша жұмыстар жүргізді. Тәрбиеленушілердің таза ауада көбірек болуына, қимылды ойындар арқылы қимыл-қозғалыс белсенділігін арттыруға, спорттық ойындарға, ойын-сауықтарға үлкен мән берілді. Балабақша қызметкерлері өз жұмыстарын тиянақты жасады.

Бесінші мәселе бойынша меңгерушісі сөз алды. Ол кісі өз сөзінде №1 педагогикалық кеңеске дайындық туралы мәселеге тоқталды. Педагогикалық кеңесте оқылатын баяндаманы тәрбиеші Джурунбаеваға жүктеді, тәрбиешілерге пікір алмасуға дайындалуды, балабақша қызметкерлеріне көрме ұйымдастыруды тапсырды.

Шешімі:

1. Мамыр мерекелерінің сценарилері тапсырылсын.
2. Оқу тәрбие процесі мектепке дейінгі тәрбие мен оқытудың жалпыға міндетті стандарты бойынша түзілсін.
3. Жазғы сауықтыру шараларының жүргізілуі шолу тексерудің қорытындысы қанағаттанарлық деп табылсын.
4. Тәрбиешілер №1 педагогикалық кеңеске дайындалсын.

Төрайымы,

Койланова.Р

Хатшы

Джурунбаева.Ж



**Меңгеруші жанындағы кеңестің
№5 хаттамасы**

06.05. 2024ж

Қатысқаны – 6

Күн тәртібінде:

1. Өткен кеңестің шешімдерінің орындалуы.
2. 8-наурыз, Жыл басы наурыз мерекелерін талдау.
3. Балалардың қортынды мониторинг нәтижесі.
4. Жазғы сауықтыру шараларының жоспарын бекіту.

Бірінші мәселе бойынша балабақша меңгерушісі сөз алды. Ол кісі өз сөзінде өткен кеңестің шешімдеріне тоқталып өтті. Балабақшадағы топ тәрбиешілері, көмекші тәрбиешілер балалармен гигиеналық шараларды дұрыс ұйымдастырып келеді. Балалар өздеріне қызмет жасай алады. Апайларының тапсырмаларын бұлжытпай орындап, тексеру барысында жақсы нәтиже көрсете білді. Мереке ұйымдастырушыларына балабақша меңгерушісі алғыс білдіре отырып, жұмыстардың басым көпшілігі сіздердің арқаларыңызда бітуде. Топтағы тәрбиеленуші балалар өздерінің өнерлерін жақсы жағынан көрсете білгендігі ол сіздердің жұмыстарыңыз.

Екінші мәселе бойынша балабақша меңгерушісі өткен мерекелердің қорытындысы бойынша тоқталып өтті. Ана әрбір адамның жарық дүниедегі ең жақыны, жанашыры, қадірлісі, қамқоршысы, ақ сүтін емізіп аялаған, жанын да аямаған ардақтысы. Мен ана деген сөзді қанша айтсам да жалықпаймын. Өйткені ол дүниедегі ең ардақты жан. Ана баланы тоғыз ай көтеріп, толғатып, дүниеге келтіріп қана қоймайды, оны көзінің қарашығындай қорғап, аялап өсіріп аяғынан тік тұрғызады. Өмір есігін жаңа ашқан баланың бойына елінің рухын сіңіретін, жылауын қойғызатын ана. Ана баланың амандығын бақытты, абыройлы болуын тілейді. Бойымыздағы ең жақсы қасиеттер бізге алдымен анадан тарайды. Қайран ана, өз перзентін әдемі не ұсқынсыз, ақылды не ақымақ, мейірімді не рақымсыз, кесір - қырсық болса да бәрібір шексіз сүйеді. Дүниеде ананың көз жасынан салмақты, одан ауыр таразы басын басатын ештеңе жоқ. Өйткені ананың көз жасы өзінің киесімен ауыр. Алайда «Ананың көңілі - балада, баланың көңілі - далада» демекші, өзінің перзентік борышын ұмытқан, сөйтіп ата - анасын сыйламайтын адамдарды да өмірден кездестіруге болады. Ана - тіршіліктің гүлі, отбасының берекесі, бүкіл адамзаттың тәрбиешісі. Анасы жоқ балалар да аз емес. Олар ананың мейірімін, аялағанын ешқашан сезген емес. Ендеше, анамызды сыйлап, құрметтейікші. Көңілдеріңізге көктем шуағындай сезім мен нұр құйып, 8 – наурыз Халықаралық әйелдер мерекесі де келді. Көктемнің шуақты күндерімен қатар келіп жатқан төл мерекелеріңіз құтты болсын! Осынау көркем мерекесін қай кезде де орны бөлек. Олай болатыны, аналарға ыстық сезім, алғыс пен құрмет ешқашан сөнбек емес. Олар - өмірдің гүлі, көңілдің жыры, әр отбасының алтын діңгегі. Осы мерекеге орай «Ана – гүл, Ана – жыр, Ана – өмір шуағы!» атты мерекелік концерт ұйымдастырылды. Ертеңгілікке «Балдаурен» тобының сұлу да, сымбатты қыздары қатысып сайысты. Сайыс шарттарына қыздарымыз өте жақсы дайындалған. Таныстыру, өз өнерін көрсету, сұрақ-жауап, киім үлгісі шарттарында қыздар өнерлерін көрсетіп сайысты. Сайыс соңында ақылды қыздарымыз жүлделі орындарға ие болып, сыйлықтар алып, марапатталды. Осы сайысты ұйымдастырған балабақша қызметкерлеріне айтар алғысым шексіз. Себебі біз өзіміздің жұмысымыздың жемісін көрдік. Осы ертеңгілікке үлкеннің батасын алу мақсатында ауылдағы қарт әжелерді шақырған болатынбыз. Шақыруды алған әжелер толығымен бақшамызға келді. Келіп бізді бір қуантты. Балалар өздерінің өнерлерін жақсы жағынан көрсетті.

**Меңгеруші жанындағы кеңестің
№4 хаттамасы**

04.03.2024 ж

Қатысқаны – 7

Күн тәртібінде:

1. Өткен кеңестің шешімдерінің орындалуы.
2. «Балалармен гигиеналық шараларды ұйымдастыру» салыстыру тексерудің қорытындысы.
3. Ертеңгіліктер мен мерекеліктердің өткізілу барысы.
4. Кіріс құжаттарын талдау

Бірінші мәселе бойынша балабақша меңгерушісі Койланова.Р сөз алды. Ол кісі өз сөзінде өткен кеңестің шешімдеріне тоқталып өтті. Аралық мониторингтің барлық топтар бойынша қорытындысының нәтижесі баламен жеке түзету жұмыстары жүргізіліп жатқаны туралы айтып өтті. Тәрбиешілерге балалар мен жұмысты ұйымдастыруда әр баланың жеке дамуының білім беру траекториясының оқу динамикасын қамтамасыз ете отырып, тәрбие мен оқыту процесін дараландыруды қамтамасыз етулерін талап етті.

Екінші мәселе бойынша меңгеруші «Балалармен гигиеналық шараларды ұйымдастыру» салыстыру тексерудің қорытындысы туралы айтып өтті. Ол кісі өз сөзінде акпан айының он алтысы күні балабақшамызда Кіші «Балбөбек» тобында салыстыру тексеру жүргізгенбіз. Мұндағы мақсатымыз баланың жеке басының тазалығы мен салауатты өмір салты туралы жалпы білімдерін кеңейтіп, балалардың дағдыларын жетілдіру болатын. Комиссия төрайымы өзім және мүшелері медбике қатысты. Кіші топқа өзара қатысып бақылау жүргіздік. Тексеру нәтижесінде «Балауса» тобының тәрбиеленушілері жеке бас гигиенасының бастапқы дағдыларын меңгерген, өздігінен ұқыпты тамақтанады, қасық, кесе, майлықты дұрыс және орынды қолданады. Тамақ ішер алдында беті, қолдарын жуу, қол орамал қолдану, сүлгіні өз орнына ілу сияқты дағдыларды жақсы меңгергендігін байқадық. Топта тамақтану мәдени дағдылар жақсы

қалыптасқан. Балалар үстел барысында дұрыс қалыпты сақтап, асхана құралдарын дұрыс қолданып, тамақтан соң алғыс айтуды үйренген. Тексеруді қорытындылай келе ұсыныстар да айтылды.

Үшінші мәселе бойынша мерекелердің өткізілуін талдау. Сөзге кіші «Балбөбек» тобының тәрбиешісі Б.Медетова шықты. Ол өз сөзінде Жаңа жыл мерекесі балалар үшін ең керемет мереке. Бұл мейрамның көңілді болып өтуіне балабақша қызметкерлері де ата-аналар да атсалысты. Бірақ қазіргі уақытта пандемияға байланысты мерекені барлық топ бірге өткізбей сахналық арнайы жасалған шырша жанында бөлек өткізді. Ата-аналардың қатысуынсыз. Мен ересек «Балдаурен» тобының өткізген Жаңа жылдық мерекелік іс-шарасы туралы айтқым келіп тұр. Жанат апайдың және ата-аналардың еңбегі арқасында мереке өте керемет өтті. Топтағы балалардың мерекелік киімдері талапқа сай болды. Балалар тақырыптарды орыс тілінде де жақсы айтты. Ән, билері жас ерекшеліктеріне сай таңдалған. Балалар көтеріңкі көңіл күйде отырды. Балалардың қатысуымен көріністер, ойындар да ойнатылды. Соңында Аяз ата мен Ақшақар балаларға сыйлықтарын тарқатты. Мен алдағы уақытта апайларымызға шығармашылық табыстар тілеймін.

Сөзге ортаңғы топ тәрбиешісі Ж. Жұмашева шықты. Ол өз сөзінде мен «Балдаурен» тобының Жаңа жыл ертеңгілік іс-шарасына қатыстым. Кішкентай бүлдіршіндер қол ұстасып «Шырша жырын» орындады. Балалар Аяз атаға такпақтар айтып би биледі. Соңында Аяз ата мен Ақшақар балаларға сыйлықтарын тарқатты. Балалар өте көтеріңкі көңіл күйде болды.

Төртінші мәселе бойынша 8 наурыз ертеңгіліктерінің іс-шарасын бекіту туралы балабақша меңгерушісі сөз сөйледі. Ол өз сөзінде көктемнің алғашқы мерекесі 8 наурыз ардақты аналар мерекесінің іс-шарасының сценариін бекітіп мерекені жақсы дайындықпен өткізулерін қадап айтты. Осынау көркем мерекенің қай кезде де орны бөлек. Олай болатыны, аналарға деген ыстық сезім, алғыс пен құрмет ешқашан сөнбек емес. Сонымен қатар Ұлыстың ұлы күні Наурыз мерекесінің ертеңгілік іс-шарасын бекітуін айтты. Наурыз мерекесі айрықша тәлім-тәрбиелік, үлгі-өнегелік, сән-салтанаттық, қадір қасиеттілік белгілерімен ерекшеленетінін білеміз. Наурыз айында өтетін осы мерекелерді жоғары деңгейде өтілуін тәрбиешілер және ән жетекшісіне жүктейміз.

Шешімі:

1. Топтарда гигиеналық шаралар толығымен орындалсын.
2. Өткізілген мерекелердің кемшіліктері мен жұмыстар жүргізілсін.

3. 8-наурыз, 22-наурыз мерекесін ұйымдастырып өткізу тәрбиешілер ән жетекшісіне тапсырылсын.

Төрайымы;

Хатшы;



Койланова.Р

Джурунбаева.Ж

Меңгеруші жанындағы кеңес

№3 хаттамасы.

10.01.2024 ж

Жиналғандар саны -6

Күн тәртібі:

1. Өткен кеңесінің шешімдерінің орындалуы.
2. «Тәуелсіздік күні», «Жаңа жыл» мерекелерін талдау.
3. Балалардың біліктері мен дағдыларының дамуын аралық мониторинг нәтижесі.
4. Балалардың дене бітімінің жетілуіне арналған ойын құралдарын пайдалануы» тақырыптық тексеру қортындысы.

Тыңдалды : Өткен кеңестің орындалуы жөнінде балабақша меңгерушісі Койланова.Р тоқталып өтті. Тәрбиешілер толықтыруда.

Тыңдалды: «Балдаурен» ересектер тобының тәрбиешісі Джурунбаева.Ж Тәуелсіздік күніне арналған «Менің Қазақстаным» тақырыбында ашық ұйымдастырылған оқу қызметін талқылайтын болсақ, сабақ онлайн ретінде қызықты өтті, балалар белсене қатысты. Отан туралы түсініктерін қалыптастырып, Қазақстанның тәуелсіздігі жайлы көп мағлұмат берді. Тәуелсіздік сөзінің мән-мағынасын, рәміздерін таныстырды. Тәрбиешілер Жаксы деген баға қойылды.

Сонымен бірге топтардың жаңа жылдық мерекесіне тоқталсақ, ата-аналар балаларды Жаңа жыл мейрамына киіндіріп, тақпақтарын айтқызып, ватсап арқылы тәрбиешіге жіберді. Тәрбиеші балаларды мақтап, смайликтер арқылы ризашылығын білдірді.

Жаңа жылдық әндер жіберіп, балаларға, ата-аналарға керемет көңіл-күй сыйладық деуге болады.

Тыңдалды: Балабақша меңгерушісі Р.Койланова балабақшаның Үлгілік оқу бағдарламасы мазмұнын игеру бойынша аралық мониторинг нәтижелерімен таныстырып өтті.

Үлгілік оқу бағдарламасының 1 тоқсанға арналған нәтижелерін меңгеру деңгейі орташа, жас ерекшелігіне сай талап, мақсат міндеттер жоспарланған. Жоспар бойынша оқу тәрбие үдерісін жүргізуді тапсырды.

Мектепке дейінгі тәрбие мен оқыту Мемлекеттік жалпыға міндетті білім беру стандарты оқу жүктемесіне 5 білім саласының мазмұны кіреді:

Денсаулық, Қатынас, Таным, Шығармашылық, Әлеуметтік орта.

Шығармашылық білім беру саласының мақсаты:

— мектеп жасына дейінгі балалардың сезімдік –эмоционалдық ортасы мен эстетикалық талғамын қалыптастыру, шығармашылық ойлау мәдениеті мен елестетуін дамыту.

Шығармашылық білім саласының базалық мазмұны:

- сурет салу;
- мүсіндеу;
- жапсыру;
- музыка.

Шығармашылық білім беру саласында баланың әлемге деген эстетикалық қатынасы мен ұлттық ,классикалық және заманауи көркем құралдарының дамуымен бірге қалыптасуы қарастырылады. Балалар шығармашылығы мен әрекеттерін біріктіру арқылы балалардың көркемдік қабілеттерін қалыптастырады. Музыка сабағында ырғақты музыкаға билеп, би қозғалыстарын орындайды. Ендігі жоспарда қабырғаларға айна ілу, балалар билегенде өз қимылдарын көріп , биге тез үйренеді. Акт залда түрлі ұлттық аспаптармен толықтырылды. Әрбір тәрбиеші сабақтан тыс уақытта балалардың шығармашылығын дамытатын әр түрлі кездесулер, іс-шаралар ұйымдастыру қажет. Іс-шара барысында, әрбір балаға өзіндік ойын, көзқарасын білдіруге мүмкіндік беру керек. Осындай жұмыстарды үнемі жүргізу балаларды шығармашылыққа баулуға, шәкірт бойындағы қабілет көзін ашып, тілін байытуға, қиялын ұштауға, өз бетінше ізденуге зор әсерін тигізеді. Балалардың қызығушылығы мен қабілеті әр түрлі. Сондықтан балабақшада балаларға арналған арнайы үйірмелер ұйымдастыру арқылы олардың шығармашылық қабілеттерін шыңдай түсуге болады. Үйірме жұмыстары ерікті түрде болатындықтан балалардың жеке мүмкіндіктеріне байланысты ұйымдастырылуы қажет. Үйірме жұмыстары тәрбиешіге әр түрлі сабақтар өткізуге балалардың шығармашылық жұмысқа сүйіспеншілігін арттырып жұмысты орындауға қызығушылығын қалыптастыруға мүмкіндік тудырады. Үйірме жұмысы балалармен күннің екінші жартысында вариативтік бөлімде өткізіледі. Өткізу орындары: топ бөлмесі, музыка залы, бейнелеу өнері студиясы, денешынықтыру залы жас тобына арналған ұйымдастырылған оқу қызметінің жалпы кестесіне енгізу қажет.

Шешім;

1. Өткен кеңес шешімдері орындалсын.
2. Балалардың білім біліктілігін дамытуда үлгілік оқу бағдарламасы күтілетін нәтижесі негізінде жүргізілсін.
3. Әрбір педагог өз кәсіби құзіреттілігін, міндеттерін адал жауапкершілікпен атқарсын.

Төрайымы;

Койланова.Р

Хатшы;

Джурунбаева.Ж



Меңгеруші жанындағы кеңес

Хаттама №2

22.11.2023 ж.

Қатысқандар саны- 7

Күн тәртібінде:

- 1.Өткен кеңес шешімдерінің орындалуы туралы. Меңгеруші
2. «Алтын күз» мерекесін талқылау туралы. Меңгеруші
3. «Балалардың танымдық дағдыларын дамытудың әдіс-тәсілдері» . «Балдаурен» ересек топтағы тақырыптық тексеру туралы. Меңгеруші
4. Тәуелсіздік күні мен Жана жыл ертеңгіліктерінің сценарийлерін бекіту туралы.

1. Тыңдалды. Балабақша меңгерушісі Койланова.Р сөз сөйледі. Ол өз сөзінде өткен кеңес шешімдерінің орындалуы туралы айтты. –Топтардың жаңа оқу жылына дайындығы туралы бақылау жөге басқару бойынша жедел тексеру жүргізілді. Тексеру қорытындысының анықтамасы бар. Жалпы және топтық ата-аналар жиналыстарын өткізуге дайындық жұмыстары жүргізілді. Ата-аналар ға арналған сауалнама, психо – тренинг сценарийлері түзілді. «Алтын күз» бақшаішілік ертеңгіліктің сценарийлері бекітілді. Түрлі мәселе бойынша балларды балабақшаға қабылдау және топтарға орналастыру бойынша нобд және ситцен порталы арқылы балалар толық тіркелді.

2. Тыңдалды. Балабақша меңгерушісі сөз сөйледі .Ол өз сөзінде 2023 жылдың 20-қазан күні «Балдаурен» ересек және «Балауса» орта топтарында «Алтын күз »мерекесіне арналған концерттік бағдарлама болып өтті. Сахна тақырыпқа сай безендірілген .Балалар да мерекелік костюм киген. Барлық балалар тақпақтарын өте жақсы айтты. «Жау жаңбыр » хорын жақсы орындады. Ересек тобының қыздары «Жапырақтар » биіне өт жақсы биледі.Ал «Балдаурен» тобының қыздары «Көңілді күн » әуеніне қолшатырлар алып шығып жақсы биледі. Ортаңғы топ ұл балалары «флешмоб»,және твист биіне өте жақсы биледі. Екі топтың да тәрбиешілері концерттік нөмірлерге өте аз дайындаған . Сондықтан орта денге деген баға беріледі ,-деді.

3. Тыңдалды . Балабақша меңгерушісі сөз алды. -2023 жылдың 28 қазанда «Балдырған» ересек тобында тақырыптық тексеру болып өтті. Тәрбиеші – Джурунбаева.Ж. Тақырыбы: «Балалардың танымдық дағдыларын дамытудың әдіс-тәсілдері» Тәрбиеші танымдық дағдылар бойынша Деньеш технологиясы мен Кюзенер таяқшалары технологиясын жоспарлаған. Тәрбиеші балаларға тосын сый жасады.Топқа телефонмен жұмыс жасайтын маман-телефоншы келді . Телефонист –телефоншы- түрлі хабарламаларды жеткізуші және байланыстырушы. Ол балаларға телефон аппаратының құрылымы туралы ноутбук арқылы қызықты ақпарат-суреттер көрсетті.Ал, компьютермен жұмыс жасайтын адамды информатик деп айтады деді. Тәрбиеші- ал, енді балалар ,алдарында жатқан түрлі пішіндердің арасынан телефон,телевизор,компьютердің пішіндерін жасауға лайықты фигураларды тауып,құрастырындар- деді. Балалар тік

төртбұрыштар мен кубиктерден құрастырып шықты. Сондай ақ Кюзенер таяқшаларынан паравоз бен вагондарды және 1 ден 5 ке дейінгі сандарды құрастырып шықты. Іс-әрекет қызықты өтті.

Жетістігі: Тәрбиеші жаңа технологияларды тиімді пайдаланды. Тосын сый тақырыпқа сай болды.

Кемшілігі: Тәрбиешінің көрнекіліктері аз болды. Жан-жақты ізденіп, қызықты мағлұматтарды балаларға көбірек жеткізу керек еді, - деді меңгеруші. Алдағы уақытта ұйымдастырылған іс-әрекетке жан-жақты дайындалып, көрнекіліктерді көбейту ұсынылды. Тәрбиеші Джурунбаеваға «жақсы» деген баға беріледі, - деді меңгеруші.

4. Тыңдалды. Балабақша меңгерушісі сөз алды. Ол өз сөзінде –Құрметті әріптестер, алдағы желтоқсан айында үлкен екі іс-шараны атап өтетін боламыз. Біріншісі- еліміздің тәуелсіздігіне 31 жыл толу мерекесін атап өтеміз. Екіншісі- «Армысың, жаңа жыл» атты жалпы балабақша ішілік ертеңгілік. Жан-жақты ізденіп, дайындалып, алдағы дүйсенбі күні сценарийді маған бекітуге алып келіңіздер, - деді меңгеруші.

5. Тыңдалды. Балабақша меңгерушісі сөз сөйледі. Ол өз сөзінде – Құрметті әріптестер, қазіргі таңда ауа-райы күрт салқындап, орви, ларингит секілді аурулар асқынып тұр. Ата-аналармен тығыз байланыста болыңыздар. Дене қызуы бар баланы әкелуге болмайды. Тамағы іскен ауру-жұқпалы болатынын ескертіңіздер. Қалың киім кигізіп жіберсін.. тырнақ-шаштары өскен жағдайда қысқартып, жуындырып, шайындырып әкелетін болсын. Медбике, үнемі қадағаланыз, - деді меңгеруші.

Шешім:

1. Өткен кеңес шешімдері орындалды.
2. «Алтын күз» мерекесін өткізген тәрбиешілерге «орта» деген баға берілсін.
3. Тақырыптық тексеру қорытындысы бойынша тәрбиеші Ф.Жаумытоваға «жақсы» деген баға берілсін.
- 4 «Тәуелсіздік мерекесі», «жаңа жыл» мерекелерінің сценарийлері дер кезінде бекітілсін.
5. Медбике Сейдахан А тұмаудың алдын алу жұмыстарын тыңғылықты жіргізсін, ауруларды есепке алуды уақтылы жүргізсін.
6. Топтық ата-аналар жиналысы 2023 жылдың 15 желтоқсан күні өткізілсін.

Төрайымы;

Койланова.Р

Хатшы;

Джурунбасва.Ж



Меңгеруші жанындағы кенес

№1-Хаттама

05.09.2023ж

Қатысқандар саны:9

Күн тәртібінде :

- 1.Топтардың жаңа оқу жылына дайындығына байланысты шолу бақылау жүргізу туралы.
- 2.Жалпы ата-аналар жиналысын өткізу туралы.
- 3.«Армысың,Алтын күз» ертеңгілігіне сценарийлерді бекіту туралы.
4. НОБД және балабақша ситцен мен балаларды балабақшаға қабылдау туралы.

1.Тыңдалды. Балабақша меңгерушісі сөз сөйледі. Ол өз сөзінде2023-2024-ші жаңа оқу жылымен барлық қызметкерлерді құттықтады.Жұмыстарына сәттілік тілей отырып,табандылықпен, ерекше жігерлене еңбек етуге шақырды.

- «Бақылау және Басшылық». Шолу тексеру қорытындысы туралы балабақша меңгерушісі Койланова.Р сөз сөйледі. -2023-жылдың 04-қыркүйек күні шолу бақылау жүргіздім. Тақырыбы: «Топтардың жаңа оқу жылына дайындығы қандай деңгейде?»
-
- Бақылаудың мақсаты: Әрбір тәрбиеші топтарды стандартқа сай құрып,әсерлі етіп безендірулері қажет. Оқу материалдары мен көрнекіліктері балалардың жас ерекшеліктеріне сай келуі,және заттық –дамыту орталығының 5 дағды бойынша жабдықталуы тиіс.
- Бақылау нәтижесіне тоқталар болсам:
- 1) Заттық-дамыту орталықтары толық жабдықталмаған. Атап айтқанда,қарапайым математикалық білім бөлімінің құралдары,сенсорикалық оқу –материалдары ,сондай ақ үлестірмелі карточкалар өте аз. Санамақтар,желімдер,толық емес.
- 2) «Табиғат бұрышы» мен «Ұлттық бұрыш» толықтырылмаған.
- 3) «Денсаулық » дағдыларында құрсаулар мен кегли,секіртпелер,құм салынған қапшықтар әр балаға жетпейді.
- 4) «Қатынас» дағдылары бойынша да кемшіліктер бар. Үстел үсті театры,магниттік театр,қуыршақ театры көленке театр жоқ.ертегілер туралы кітапшалар мүлдем аз. Қалдық заттардан жасалған заттар бар ,бірақ олардың түрлері аз.

Ұсыныс:

- 1) Тәрбиешілерге жоғарыда аталған заттардың бәрін жасап,жабдықтау жұмыстарына кіріссін. Мерзімі:18.09.2023ж.
- 2)Безендіру жұмыстарына ата-аналар да қатыстырылсын.Мерзімі.18,09.2023ж.
- 3)Еңбек құралдары толықтырылсын.Мерзімі.18.09.2023ж.
- 4) Патриоттық-әскери бұрыш және сауықтыруға арналған материалдар толықтырылсын..Мерзімі:18.09.2023ж.
- 5) Түрлі мамандықтарға арналған құрал-жабдықтар толықтырылсын.Мерзімі:18.09.2023ж

Сөйлегендер:

Джурунбаева.Ж тәрбиші: -Койланова.Роза апай ескертуіңіз орынды ,келесі дүйсенбі күні пәндік-дамыту орталықтарын толықтырып,жоспарды түзіп,дайындалып келеміз -,деді.

2. Тыңдалды. Балабақша меңгерушісі сөз сөйледі:-Құрметті әріптестер ,өздеріңіз білесіздер,балабақшаға балардың көптеп келуі тікелей ата-аналарға байланысты.Сол себепті олармен қарым-қатынасты нығайта түсуіміз керек. Осы жылдың қыркүйектің 18-күні жалпы ата-аналар жиналысын,22 күндері топтық жиналыстарды өткіземіз. – Жиналыста қандай мәселелер айтылу керек ? Бақшаға балалар 90-100 пайыз келу керек.

Ауырып жүрген баланы үйде емдеу,ата-аналарды ашық іс-әрекет шараларына қатыстыру(әлеуметтік қашықтықты сақтай отырып,),пед. кеңестерге қатыстыру қажет..Әрбір ата-ана баласының білімді,білікті болып өсуіне мән беруге тиіс.Сондай-ақ,әрбір ата-ана отбасы болып, салауатты өмір салтын ұстанудың маңыздылығын ескеруі тиіс. Тағы бір мәселе, балаларымызға қазақтың ұлтық дәстүрлері мен өзге де ұлттардың салт-дәстүрлерін,музыкалық аспаптары мен шығармаларын насихаттауымыз маңызды . Жиналыста сонымен қатар,ата-ана төлемақысы туралы да айтып өтілді..Биылдан бастап төлемақы сомасы 5000 теңге болды-,деді меңгеруші.

Сөйлегендер:

Жанабекова.Л,мед.бике:-Роза апай дұрыс айтады.Мен де өз жоспарым бойынша екпе туралы,бойлары мен салмақтары туралы ата –аналарға мәлімет беруім керек.Денсаулық паспорттары түгел емес, алдыруымыз керек. –құрметті тәрбиешілер ,ата-аналармен үнемі байланыста болып,тапсырма беріңіздер -,деді

3.Тыңдалды. Меңгеруші сөз алды. Ол өз сөзінде :-Құрметті тәрбиешілер,көмекшілер,Күз айы берекелі,мерекелі мезгіл.Балаларға күз туралы,жеміс-жидектердің дәруменге бай,ағзаға пайдалы екенін дәріптеу мақсатында қазан айының бірінші онкүндігінде ертеңгілік өткізуді ұсынамын. Ертерек сценарилеріңізді түзіп,бекітуге маған ұсыныңыздар -,деді Тәрбиешілер бірауыздан келісті.

4. Тыңдалды.Балабақша әдіскері Койланова.Роза апай сөз сөйледі: -Қазір балабақшаға балаларын орналастыру науқаны жүріп жатыр.Кейбір балалар басқа балабақшаға ауысып жатыр. Орнына келіп жатыр.Сіздерден өтініш ,ата аналар мен жана келген балалардың құжаттарын сұратқан кезде ұялы телефондарымен қоса алдырып,жылдам жұмыс жүргізіңіздер.Өйткені әр айдың 25-не білім бөліміне балалар тізімін тапсырамыз.Егер бала саны кем болса,айлықтарыңызға нұқсан келетінін ескертеміз-,деді әдіскер.

Шешім:

- 1.Топтарды жабдықтауға байланысты айтылған кемшіліктер бойынша жұмыс жүргізілсін.Мерзімі: 1апта.
- 2.Жалпы ата-аналар жиналысы 2023ж. 18-қыркүйек күні өткізілсін. Топтық ата-ана жиналысы 20.09на өткізілсін.
- 3.«Алтын күз» мерекесінің сценарийлері түзіліп, бекітілсін.
4. «НОбД», «Ситцен» бойынша балалар құжаттарын тез арада жинақтап,әдіскерге тапсырылсын.

Төрайымы,

Хатшы;



Койланова.Р

Джурунбаева.Ж